

Lecziuns da lezchas per l'an scolastic 2018/2019

Böt: In bgeras famiglias po il tema "lezchas" chaschuner emoziuns e stress. Impü maunchan a tscherts iffaunts cun fer las lezchas persunas da survagliaunza u chi'ls paun sustgnair.

Illas lecziuns da lezchas, chi'd sun cumpraisas illa spüerta da las structuradas da di, survegnan ils scolars e las scolaras da la 1.-6. classa la pussibiltad da fer lur lezchas, in ün local adatto, in atmosfera concentrada e suot survagliaunza e cun sustegn d'üna magistra u ün magister da la scoula primara. Ad es important, cha'ls iffaunts sun sves respunsabels per lur lezchas e ch'els imprendan a las organiser in möd autonom. La magistra/il magister als sustegna in lur egen fer ed als po der tschegns per pudair cuntinuer cun lur lavur. Las lecziuns da lezchas nu velan scu lecziuns da sustegn supplementeras (Nachhilfestunden).

La magistraglia do als iffaunts düraunt l'instrucziun lezchas in maniera, cha quists sun buns da las fer sves. Scha ad ün iffaunt mauncha l'inctetta da basa fer pudair fer las lezchas, alura es la respunsabilitad tar la magistra u il magister da classa, da reperter la tematica. La magistraglia as resalva da pudair der inavaunt internamaing da quistas infurmaziuns.

Las lecziuns da lezchas in scoula nu garanteschon bunas notas. Per la correctezza e la qualited da las lezchas es respunsabel l'iffaunt insembel cun sieus genituors.

Spüerta/lö : Las lecziuns da lezchas haun lö in üna stzaunza da scoula illa chesa da scoula ed haun lö il ram da las structuradas da di da lündeschdi fin in venderdi, aunz u zieva il gianter (11.25 – 12.10/ 13.30 – 14.10). L'adöver da quista spüerta nun es collio cul gianter tar la maisa da mezdi e po gnir trat a nüz independentamaing. La spüerta po be gnir accumulada da la scoula tar ün numer minimel dad 8 iffaunts per unted. Per raggiundscher quist böt ans resalvains da contacter ils genituors per pudair eventualmaing scumpartir meglder las gruppas süls singuls dis. Quistas lecziuns cumainzan già a partir dal prüm di da scoula.

Reglas : Sclaras e scolars chi disturban cuntinuedamaing las lecziuns da lezchas u chi maunchan püssas voutas na s-chüsos paun gnir exclus da la spüerta.

Cur cha las lezchas sun fattas, lavura l'iffaunt inavaunt vi d'ün proget da scoula, chi'd es gnieu stipulo al cumanzamaint da l'an da scoula insembel cun üna magistra/ün magister.

In cas d'absenza es da comunicher que ouravaunt a la magistra u al magister da la lecziun da lezchas il pü svelto pussibel.

Annunzcha : L'annunzcha dals genituors obliescha als iffaunts da visiter la spüerta per l'inter an scolastic. Mincha iffaunt po visiter al di be üna lecziun da sustegn da lezchas.

Cuosts : Il sustegn da lezchas cuosta 4.00 fr. per unted ed iffaunt. L'annunzcha vela per l'inter an scolastic. Ils cuosts vegnan miss in quint duos voutas l'an. Las unteds vegnan missas in quint eir in cas d'absenza.